

das in Im würccken vnd arbaitten das sin, nächster vß  
gantzem hertzen / usz gantzer sel / usz gantzem gemüt  
got den herrē ouch lieb hab. ¶ Vnd spricht fürbas wir  
sollen wöllen das all menschen mit vns got lieb haben  
vnd alle hilff die wir in erbieten Vnd die vns von in er/  
totten wirt. Die sölle alle geordnet werden vß das ai  
nig end. Das wir mit in vnd sy vns got den herren lieb  
haben. Vnd darüb zehilf allen mēschen han Ich gedacht  
da hie ett was zeschriben von der liebhabung gottes.  
Das ist wie wir got dz höchst güt sölle liebhaben vber  
alle ding. Vnd dan hinfür ob mir das der herr verlycht  
wil ich ett was schriben von der liebhabung vnser nach  
sten. Vnd ist ze mercken das Ich die hinnach geschriben  
ding hab genomen von den lerern. Vnd sunderlich vß  
worten vnd usz der ler des vil würdigen lerers der haili  
gen geschrift. Maister Niclāsen von dimckelspūhel. De  
got der herz genädig syg. Zu dem ich ouch min sundere  
züflucht han gehebt. Der ouch ettwe vil das büch vber  
lesen hat. Ich han ett wañ gesetzt der lerer wort. Vnd  
ett wañ allain Ir maimung. Aber ich beger von allen mē  
schen die dise materi beschawent das sy nicht gächling  
noch zuckent vber lesent yetzunt hinden yetzunt vornan  
noch allain amē tail. süder dz sy sich gantzliche ordeliche  
vnd wolbedachtiklichen von tag zetag mit slyß durch  
schäwen So hoff ich das got da von mug gelobt werde  
vnd ain mensch an sinem leben mug hailfamlichn gestift  
werden Vnd von der Materi der liebhabung gotes  
han Ich vor mals ain püch gemacht. Aber das ge  
genwürtig püch Ist ye wol lenger dann diß Sunst  
hat es wenig vnder schaid von disem. Vnd als Ich